

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der bu[n]dtsgnosz

Erasmus von rotherodam ein fürst aller gelerten zu vnseren zyte[n],
schreibt jm[m] buch gena[n]t Encomion morias, vom predigen der bättel
münch - Ein jeden ich hie früntlich bit, Das er mich läß vnd lach nit

Eberlin von Günzburg, Johann

[Basel], 1521

VD16 E 103

Teilbordüre [Holzschnitt]

urn:nbn:de:bsz:31-42758

Sie prediger wellent allein gelert sein vnd beschürmer des glaubens /ire lerer allein lassen beliben /do durch sy zü solicher thorheit kummē /das jederman ir spottet mit iren lerern. Ire lerer sind nichts sunders hoch /sy haben vyl güts geschriben auch vyl arges /man weißt wol was ir tüch für faden hat. Sie Carmeliten liegen vnd triegen so vyl mit sant Annen brüderschaft in erzellung ires geschlechtes /dz schier Christus ir lügen wirt an tag bringen /dan sie kein grund haben im ewangelio. Wo hastu geläsen dz sant Anna dry töchteren gehabt hab /das Joannes vnd Jacobus seyen ir töchter sune /vnd der glychen vyl /aber hetten ir dz gält vom volck ir lieffen das ander wol belibē. Sar zü wölen ir etwas sunders sein für ander orden so ir vnser frauw brüder genant sind. D ir hoffertigē hat vnser frauw so gytig vnzüchtig /vnkeüsch /hochfertige brüder. Ich mein all fröme christen seien ir brüder vnd schwester /auch ires sunes /ia ire kind /vnd mein meinung hat ein grund im ewangelio /aber üwer fabel ist wasser vnd luft. Also merck in anderen stücken do mit die münch vmb gond /vnd die Cangel do mit beschiffen /vnd dz volck am reinē ewägelischen leren hinderen /dem volck iren blütige schweiß vnd arbeit abnemē /anderē armen schaden thün /dz wirt got nit lang mögen erliden. Aber ir einfältigen layen sind gewarnt es ist auch zü besorgen /das sy offit meer auß den bychten der menschen predigen vnd schribē dan vß der Bibel /aber ich laß jetz do von weiter zü schriben /mein tag ist auß /lassen eüch mein trüwe meinung zü gutem dienen.

Der Pawr wirt witzig.

